

THU AWMTE

1. Editorial 2

Sermon:

2. Lalpa hman tlak Ṭhalaite 3

Ram chhung Pastor-te:

3. Rawngbawlna Report 10

4. Fellowship huang:
MPKTP General Conference Report 24

Article:

5. Ṭhalaite leh Pathian thu zir uar 28

DEC-JAN THLA CHANG VAWN:

I naupanna tumahin ngainep suh se; thusawi kawngah te,
chetze kawngah te, hmangaih kawngah te, rinna kawngah te,
thianglimna kawngah te ringtute tihhmuhtu ni zawk ang che.

I Timothea 4:12

*Shofar Chanchinbua thu chhuahte hi Editor
ngaihndan a ni vek kher lo. —Editor*



Editorial

Hring nun dam chhung hun kum 70/80 hi hun hrang hrangah then ta ila: Nausen lai, Pan lai, Rawl lai, That lai, Valai, Tar leh tar kun hun titein then ta ila. A khawi hun hi nge hring nuna nuam kan tih lai ber ni le? Pan lai nun leh Thalai nun hi mihringin hun nuam bera kan ngaih a ni ang.

Pathian lehkha thuah chuan, "Naupang chu a kalna awm kawngah chuan zirtir ula, A upa hun pawhin a thlah lo vang." Thufingte 22:6 tih kan hmu. Pan lai hun hi puitlin hnu thlenga nun dan dik inzirtirna hun a ni tih a lang Chiang a. Hetih hun lai hi chuan mahniin thil tha leh kawng dik kan la thliar thiam meuh lova chuavang chuan zirtir kan ngaih ble tibna a ni.

Thufingte dawt chiahah

chuan Thalaite tan briat tur min brilh veleh thung, Thubriltu 11:9-ah chuan, "Thalaite u, in that lai chen ula, I la naupang viau lai hian hlim rawh u, Amaherawhchu Pathianin in chungah Ro a rël dawn tih bre reng ang che u." tih kan hmu leh thung.

Thalaite hi kan la naupan viau lai atangin hlim taka hun hmang tur kan nih rualin min siamtu Pathian hlat lova hun hman a pawimawh tih bre turin Pathianin min duh a ni.

Kan that lai hun hi Pathian tan hman tlaka kan nun a ngaih a. Pathian hman tlak ni tur chuan zirtir ringawt ni tawh lovin keimahnin kan zir chhuah a ngaih ve tawh a ni. Pathian thu zir hi uar deuh deuh ila, kan thu zir chuan kan nunah rah chhuah bawk se la, Lalpa hman tlak thalai nih theuh tum turin tuna Rawl lai hmang mek leh Thalaite hian hlim takin kan phak tawkin Pathian thu ngaihven ila, Pathian hman atan kan nun i hlan phal ang u.

LALPA HMAN TLAK ṬHALAITE

II Timothea 2:20-21, Sam 37:1-3

Thupuan 2:10

C. Lalthangkuma

Quotation pakhat chuan heti hian a ziaak a, “*Ṭhalaite hian min ngaihthla theuh dawn ta sela, ṭawngkam khat lek ka hrilh duh chu, nangmaha thil awm zawng zawng kha a ṭha thei ang berin hmang rawb*” tih a ni. Tun aṭang hian a ṭha thei ang bera kan nun kan hman dan tur chu Lalber, Pathian tana hman hi a ni. Unau duh tak, khawvelah hian vawikhat chauh kan piang dawn a, kan piang nawn leh ngai dawn lo a ni. Tin, ka ṭhalaiquite, vawi khat chauh ṭhalai kan ni dawn a, ṭhalai hi kan ni leh ngai tawh dawn lo.

Fak hla siamtu chuan, “*Kan vanglai nite hi a rei lo vang, he khawvela kan cham chhung hian, Chuvangin vanglai hunte hmang ṭhain, Lalpa tan i thawk zel ang u*” tih, Bible-ah min lo hrilh tawh a ni. Chuvangin, he khawvelah hian vawih khat ka piang a, chumi chhunga ka tih theih ṭha ber chu eng nge ni tih zawhna hi chhang hmasa ber turin Pathian hmingin kan inngen a ni, Tu tan hian nge nung ila hlawk ber ang? Kan inchhir loh berna turin nung dawn ta ila, tu tan nge kan nun hi

hmang ila kan tih? ti hi inngaihtuah tlang turin ka sawm che u a ni. Lalpa hman tlak ṭhalai ni turin i inbuatsaih thar leh ang u.

IITim 2:20 kan chhiarah khan heti hian sawi ta ila, khawvelah hian mi chi hnih kan awm tih hi. Kan Bible chang tlawh chhan IITim 2:21 kan chhiar thlen hma chang 20-ah chuan ‘*In chhungah bungbel chi hrang hrang a awm thu a sawi a; thenkhat ngaih blut tur a ni a, thenkhat ngaih blut loh tur a ni a*’, tiin.

Chumi chu entirnaah hmangin ‘chu’ng thil laka mi a inthiarfihlim chuan bungbel thianghlim Lalpa hman tlak, hnathawh tha tinrenga inpeih sa, ngaihhlut tur mi a ni ang,’ a ti a. Chuvangin Pathian ngaihhlut, a neitu Pathian tana hman tlak ni turin kan inbuatsaih a pawimawh dawn a ni. Lal Yeshuan kan zavai hian, Group hnihah min then a; keini chang ni lovin khawvela mi zawng zawng hi group lian pui pui pahnihah min then a ni. Chu chu ‘**hman tlak**’ leh ‘**hman tlak loh**’ a ni.

Zir mite chuan tihian an sawi thin a, Lal Yeshua kha **Professor** ropui tak a nih avangin *simple* takin, mi mawl ber tan pawh hriatthiam awm tawkin thu a sawi thin a; a zirtirna thenkhatah chuan heti hian a sawi a ni. Luka 11:23-ah chuan “*tu pawh ka lam tang lo chu mi do a ni*” a sawi chhunzawmnaah chuan

“*tupawh mi lak khawmpui lo chuan a tidarh a ni.*”

Chuvangin Lalpa lam tanga, lak khawmpuitu nge kan nih a, la boa, tidarhtu zawk nge kan nih tih hi i ngaihtuah tlang ang u.

Lalpa hman tlak kan nih loh chuan hman tlak loh kan ni dawn a, Lalpa hman tlak loh kan nih loh chuan a hman tlak kan ni mai dawn a ni. Chu chu Lalpa hman tlak leh hman tlak loh sawi nan hmang ta ila. In ropuia awm bungbel awm pali a rawn sawite kha; *Tangkarua* a siam, *Rangkachak* a siam, *Thing* a siam, *Bellei* a siam a ni a.

A then chu ngaihhlut tur a ni a, a then chu ngaih hlut loh tur, a neitu chu in ropui tak neitu in a ngaih hlut leh ngaih hlut loh kha an awm a ni. A chhungah chuan an awm vek a ni. Lalpa ngaih hlut Thalai, Lalpa hman theih thalai nih a va han pawimawh em.

Tunah pawh hian hman tlak leh hman tlak loh kan awm thei tih kan Bible hian a sawi. In neitu in chhungah a ni, bungbel chi hrang hrang hi a awm ni. Chu chu hmun dangah ti hian a sawi fiah a. Matthaia 13 : 23-24 kan chhiar chuan Buh lem leh buh tak tehkhin thu kan Lalpa Yeshuan a sawi thu kan hmu a. Kha tehkhin thu-ah khan buh tak zingah buh lem a lo to a ni.

Chang 28-30 kan chhiar thlak zel chuan Chhiah-hlawhten 'buh lem chu la khawm mai ila, rem i ti em' an tih khan, 'E ni love, lo to za rawh se, buh lem chu in lak khawm zawngin buh tak chu in pawt phawi hlauh dah ang nge,' a ti a nih kha, Tunlai Thalaite zingah leh thalaite ni tawh kher lote zingah pawh hian buh lem a awm theih tih leh, hman tlak loh a awm theih tih hi ka tarlang duh a ni.

Pathian Kohhran chhung-

ah ngei pawh hian hman tlak loh a lem a awm thei tlat a ni. Kan Bible hi ngun taka kan zir chuan chu chu kan hmu a ni. Nakinah chuan buh lem leh buh tak an thliar ang chiahin kan Lalpa Yeshua Messia hian min la thliar ve dawn a ni tih hi i hre thar leh ang u. Buh tak nge kan nih Buh lem? Pathian Kohhran Thalai Pawla kan inhman mek lai hian Pathian hman tlak nge kan nih hman tlak loh i inenfiah ang u.

Lalpa hman tlak ni turin tunah hian Lalpan min duh a ni. Chuvangin Pathian tana hman tlak kan nih theihna turin a thupekte kan zawm a, Pathian ngeiin tih tur leh tih loh tur Bible kal tlanga a rawn sawi hi i tiin, i ti lo ngam ila, Pathian hman tlak ni ngei thei turin i in buatsaih theuh ang u.

Lalpa hman tlak, mi rinawm:

Lalpa'n mi rinawmte a hmang thin. Kan Bible-ah

hian IKor 4:1-ah khan hetihian kan hmu a ni, Keiniho hi Messia rawngbawltuah leh Pathian thuruk enkawltua ngaih tur kan ni a, enkawltu atana ruatte chu an rinawm phawt tur a ni.

Lalpa hman tlak, Lalpa hman duhte chu ‘mi rinawm’ an ni tih sawi leh ta ila:

Bible kan chhiar chuan sawi tur tam tak a awm. Josefa kha fa duat bik a nih lai pawha rinawmna chuai ngai lo, a mumang hmanga Pathianin sawi tura a tih apiang rinawm taka sawi zel mai mi, tin, bawihah/salah an hralh lai pawha a rinawmna chuai ngai lo, hmeichhiain an *risk* tum pawha rinawmna chuai ngai lo, Jail bang a zût lai pawha a rinawmna chuai ngai lo kha, Pathian hnam thlan Isral-te tumpui thihna ata an lo dam khawchhuah theih-na turin Pathianin a hmang a ni. Eng vang nge kan tih chuan, a nuna rinawmna kha

Pathianin a hmu a, chumi vang chuan Pathianin a hmang mai a ni.

Ruthi chu an hnam danah chuan a pasala chi leh kuangte han nei thei zia zang a ni tawh loh, beidawng tawpa a din lai pawhin a pasala nu tana a rinawm tlat avangin Pathianin a hmang mai a ni. Lal Yeasua thlahtute zingah khan nuthlawi a hmang tlat a ni.

Jeptha chu a thutiamah a rinawm em avangin Amona thlahte hnehna atan Pathianin a hmang a ni.

Lalpa hmante hi an rinawm thin a ni:

Kan Bible-ah pawh Galatia 5:22-ah chuan “*Rinawmna hi thlarau rah a ni*” tih kan hmu a, hetihian sawi ta ila, Lalpan mi rinawmte a hmang thin a, thlarau mi, Pathian mi hmante chu an rinawm ngei ngei tur a ni, tih hi a tang dun tlat tur a ni.

Mi rinawmte Lalpa'n a hmang ang a, Lalpa hman thlarau mi, ringtu dik, piangtharte chu an rinawm ngei ngei tur a ni. Ringtu satliah ni lo, thalai zingah hian Lalpa'n a rin ngam mi a zawng mek zel a ni, tih i hre thar leh ang u.

Thupuan 2:10-ah chuan 'Rinawmna' mi rinawm nih a pawimawhzia kan hmu a, a hmasain rinawmna tih awmzia hi sawi ta ila, Mi rinawm chu engtin nge an nun ang? engtia awm tur nge, Eng ang mi nge nih ngai tih han sawi dawn ta ila. Mi thiamte chuan rinawmna tih hi Greek tawngin '**Pistos**' an ti a, chu chu Mizo tawng chuan *rinawmna* a ni vek mai a; amah-eawhchu, tawng dangte han hawh ve nual ta ila, a awmzia kan chiang deuh awm e. Rinawmna tih a nih vek lai khan heti hian tawngkam han vuah hrang ta chhin ila.

A hmasa berah chuan 'Mi

rin tlak' (reliable) sawina a ni. Lalpa chuan mi rintlakte hi a hmang dawn a ni. Rinawmna tih awmzia chu mi rintlakte hi mi rinawm chu an ni. I Korinth 4:1-2 "Keiniho hi Messia rawng-bawltuah leh Pathian thuruk enkawltuah miin min ngai rawh se." Hetah hian enkawltu chu mi rinawm nih a ngai bawk a ni. He lai thu kan hmu ang hian, Pathian thuruk enkawltu chu a rinawm tur a ni, a rintlak tur a ni. Pathian tana rin ngam, Lalpa tana rin-awm kan nih a ngai a ni.

Ringtu kal khawm kan ni a, zaninah hian van atang khian kan Pathian chuan min rawn thlir vang vang ta se la, 'khu mi khu ka rin mi a nih khu, ka rin ngam a nih khu, Ka tana rinawm a nih khu, a hnenah *talent* ka pek belh zel ang, a rinawm em mai, a rintlak em mai' a tih mi kan nih a ngai a ni.

Khawvel mite hnena

Beram No nupui neihna ruai kil tura sawmtu Palai ni turin, Messia Mo ni tura mi dangte hruai turin Pathianin nang leh kei hi min thlang a, Thalai, Yeshua Messia rinna leh ama kawnga hruai tura pawl ding kan ni a; amah-erawhchu, kan nun dan, kan tawngkam chhuak leh kan chetziaah Lalpa, min tirtu tana kan rintlak loh avangin kan nih tur ang kan ni pha lo fo va, kan rawngbawlna pawh hi a chak tawk thei ngai lo a ni. Chumiah chuan thalaite hian tih tur kan nei, Nang leh kei erawh Lalpa hman tlak ni turin tunah hian Pathian hmingin kan i sawm a ni.

Matthaia 25:14 kan chhiar chuan *Talent* tehkhin thu Lal Yeshuan a sawi a, *Talent 5, talent 2, talent 1* kawltu, rintlak, a pu thang bo hlana mi rin tlakte chuan an lo tipung mai a ni. Keini pawh inngaihtuah Chiang ta ila, nang leh kei hi Pathian Chanchin Tha enkawltu leh

Pathian thudik puang darh tur hian kan rin tlak em tih i in zawt teh ang u.

ITim 1:12 kan chhiar chuan heti hian Pathian thu kan hmu a ni: “*Min tichaktu Messia Yeshua kan Lalpa hnenah chuan lawm thu ka sawi a ni. Hmanah sawichhetu leh tiduhdahtu leh sawisatu ni mah ila, rinawma mi ngaiha, a rawngbawltua mi ruat tak avang hian.*”

Kan tlin loh tehlul nen, i tlin loh tehlul nen, Lalpa ropuina nena kan inkhai-khin chuan kan fel loh tehlul nen, kan tlin loh tehlul nen, he rawngbawltu atan hian mi fel chauhte thlang lova mi sualte min thlang hi a va ropui em! Mihring thinlung hian a thukzia a chhui phak lo a ni, Lalpa chu fakin awm rawh se.

Harsatna, fiahna leh thlêmna chi hrang hrang kan tawh lai hian kan thla-phângin kan nun zawng

zawng hi sâwi nghînin a awm thîn. Han rah pelh lek lek châng leh beisei bo thak châng te pawh kan tawng thîn.

Kan Pathian hian eng emaw châng chauh leh eng thilah emaw chauha rinawm tûrin min ti lo va, thih thlenga rinawm tûrin min duh. Bul tan tha viau si, a tâwp thlenga rinawm lo nih ai chuan, chak lo chung pawha muang changa kal a, rinawm taka hlen chhuaktu nih a tha zâwk. Kan chak lohna te, kan rinawm tâwk lohnaate hria a thih thlenga bêlh tlat mai hi, thih thlenga rinawmna thurûk a lo ni.

Fakhla siamtu chuan —

*“A hnathawh chhunzarwm zêl tûr tu nge awm?
Kei hi min thlang ta, ka Lal Yeshuan;
Lâwm chungin LALPA rawng ka bâwl ang a,
Thih thlenga rinawm tûrin. a ti a ni.”*

“Thih thlengin rinawmin lo awm rawh. Tichuan, nunna lallukhum ka pe ang che,” tia kan hmuh angin, kan ti ta sa sa, Hawh u, Pathian thudik hi i puang zel teh ang u, i zahpui lo ang u. ‘Nang’ leh ‘Kei’ chu Pathian rinchhanin, ‘A tâwp thleng rakin’ kal zêl ang aw...

“A tâwp thleng peihthe chauhin, ‘Chhanna Famkim’ leh, ‘Nunna Lallukhum’ chu an hmu ang! Chuvangin, Fakla siamtu chuan —

*“Yeshua tan rinawmah ka inpe,
Amah ringin, Amah ringin;
Ka hmangaihna ka rawn hlane,
I tan ti famkim rawh.”*

Lalpa hman tlak mi rawnawm ni tur leh thih thlenga rinawm turin i inbuatsaih theuh ang u.

Lalpan a thu malsawm rawh se. AMEN.

RAMCHHUNG PASTOR-TE RAWNGBAWLNA REPORT

— Elder David L. Hmar, General Secretary



Pastor

ST John Beingachhie



Pastor

C. Liansanga



Pastor

H. Lalfakzuala



Pastor

Robert Malsawmsanga



Pro. Pastor

B. Laimang



Pro. Pastor

Lalramdinmawia

Pastor ST John Report:

December 2, 2023 Sabbath khan Sihhmuiah kohhranhote tlawhin a kal a, an thalaite MPKTP General Conference Bungtlang Southa awm tura kal ve turin sawmna leh Circle B/E lo ruahhman tawh, lo tihpuitling ve hram tura sawmna leh Tuarchhel taka nun hmang chho zel tura fuihna thuchah a sawi bawk.

Dt 9 Dec. 2023 Sabbath, Aizawl Local Church-ah Zawlnei der laka fimkhur a ngaihzia thuchah a sawi a, inkhawm banah Pavalaita Inthlanpuina a nei bawk. 16/12/2023 Sabbath ni

khan damlohna avangin Thalai khawmpuiaah a kal thei lo na a, khawsik chungin Pi Hualhmingthangi West Phaileng damlohna avanga Durtlang Hospital-a awm chu a tlawh hram a, tawng-taina te a neihsak. (Pastor John Beingachhie hi an chhungkuain damlohnain a tlakbuak reng avangin rawngbawlin a chhuak hlei thei lova, kohhran member-ten i tawngtaipui theuh ang u.)

Pastor H. Lalfakzuala Report:

Dt 2 Dec.2023 khan an chhungkuain Buangah kalin Sabbath an hmanpui a, Pu Chhanchhuaha te chhung-

kua an dam tha vak lova, an va tlawh chu an lo lawm thiam hle a ni.

Dt 8 Dec.2023 khan bial fangin a zin chhuak a, Sazepah Sabbath a hmang a, Sazepah hian Sabbath chhun leh zan lamah inkhawmna an nei a, **'Chawlhni thianghlim taka serh tur a ni tih hre reng rawh'** tih leh **'Sawma pakhat pek pawimawhna'** tih hmangin Pathian thu chah a sawi.

Sabbath chawhma inkhawmah hian nau thar duhawm tak Ngursangpuia S/o Lalremsanga, Pathian hnena hlanna a nei. Tin, member thar duhawm tak Salvation Army atangin Pi Manggaihchingi lawmluhna a nei bawk. Local board meeting a neihpui a, kohhran sum pawh a endiksak bawk a ni. Pathian ram sum hrang hrangte an lo hawn tir nghal bawk a ni.

Dt 14 -17 Dec.2023 khan

MPKTP General Conference vawi 28-na Bungtlang South hmuna neih chu bial chhung PKTP member-tenen inkhawmpui hmangin an kalho a, inkhawmpui hlimawm leh nuam tak an hmang a ni. Palai kal ten nuam an ti tlang a, inkhawmpui kal zel pawh an member ten an chak phah a, a lawmawm hle.

Dt 30 Dec.2023 Sabbath khan an chhungkua bakah Pi Remsangpui leh a fapa Jonathan-a Zotlang te nen Mualkawi kohhran an tlawh a, inkhawm an thain nuam an ti hle. **'Pathian In sak chhungkua'** tih hmangin Pathian thuchah a sawi. Mualkawiah hian Pu C.Lalramhluna leh Pi Lalhangzauvi te nupa inneih thattirna a nei a, inneih thate pualin thingpui ruai tui tak an kilho.

Tin, Mualkawi kohhran hian March 2024 khian Champhai Circle Conference an thlen dawn avangin

inbuatsaihna pawh an nei tan tawh bawk a ni. Dt 31 Dec.2023 Sunday khan nilengin Zotlang lamah a leng a, chhungkaw pali a tlawh kual a, Pathian thua inkawmhona hun an hman bakah tawngtaina hun a hmang tel zel bawk.

Pastor Robert Malsawmsanga Report:

December 2, 2023 (Sabbath): Lungleiah Sabbath a hmang a, Pathian thuchah sawina a nei. Inkhawm banah MPKTP General Conference vawi 28-na kal dan turte an rel a. Zan lamah Lengkhawm Zai intihsiaknaa sak tur hla PKTP, Lunglei Branch te a zirpui bawk. December 3 (Sunday)-ah South Bung-tlang panin a kal a, MPKTP General Conference Organizing Chairman a nih vangin a kal hma a ni.

Conference hlawhtling taka hman a nih theihna turin theih ang tawkin hma

la nghalin, ni tin leh zan tin hnatlang an nei thin a. Sabbath ral zan inkhawm an neih thin pawh an ngenna avangin hnatlang thawh nan an hmang a ni. December 9 (Sabbath) inkhawmah Deacon J. Ramthanga'n thu sawina hun a kian a, Conference hlawhtling taka hman a nih theih nan thlarau lama inbuatsaihna tha neih a tulna leh a pawimawhna te sawiin fuihna thuchah a sawi a. Tin, zing karah kohhran chhungkaw tinte tlawh kualin tawngtaina leh fuihna thu a sawi zel a ni.

Dec,14-17 chhungin MPKTP General Conference vawi 28-na chu tuang tak leh hlim takin hman a ni a, rorelna leh inthlan pawh tuang takin an nei thei a, a lawmawm takzet a ni. PKTP member fel tak tak, kohhran tana hman tlak tak tak tur hmuh tur an awm nual ta a hmuhin, a thlamuan thlak tih thu a sawi bawk. *“Kohhranpui hian kan enkawl*

thiam phawt chuan hmabak êng tak kan neiin ka bria,” a ti.

20 Dec, 23 khan Lunglei a thleng a. Circle Conference wawi 6-na nei turin inbuatsaihna neih a ngaih avangin bial fangin khaw dangah a zin chhuak rih lo a ni. Elder exam buatsaih a ni: December 23 (Sabbath) inkhawm banah Lunglei Local-a Elder thlan thar Pu V. Laltlan-kima chu Pastor Quarters-ah exam neihtir a ni a. Circle Conference wawi 6- naa nemngheh theih turin a inziak tling (pass) a ni. Lunglei Circle Conference wawi 6-na chu Chhipphirah kan nei dawn a, hlim taka hun kan hman theih nan min lo tawngtaipui theuh dawn nia a ti.

Pro Pastor Lalramdin-mawia Report:

Dec 1, chawhnu dar 2:30 P.M-ah Chawngte atangin Bungtlang South panin a chhuak a. Khaw karkawnga

Kohhranho a awm apiang a tlawh phah zel a. Dar 3:30 P.M-ah Hmunnuam a thleng a, Hmunnuam thalai atangin Zaipawl hla zir tur a ruala phurin Bungtlang an pan leh a. 5:00P.M-ah tuang takin an thleng a ni.

Elder HC. Singkhuma, Circle & Local Chaiman Inah a innghat a. Zan lamah thalaite inko khawmin, hun hman chhoh dan turte sawiho a ni. A tuk, Sabbath chawhma inkhawmah, “TAKNA leh ZAHAWM-NA RAWNGBAWLNA-AH” tih thupui hmangin Pathian thuchah a sawi a, Tualchhung Kohhran inkhawm pawh an kim viau a ni. Inkhawm banah Circle PKTP Zaipawl hla zirnaah a telpui a, tlai lamah Circle PKTP President Deacon HC. Dengzaua te in thar, Pathian hnenah hlanna a neihsak a. Zanriah an kilpui nghal a ni.

Zan lamah Pathian biak

Inkhawm an nei leh a, Inkhawm banah Zaipawl hla zirnaah a telpui a. Chumi zawhah Circle PKTP Executive Meeting-ah a telpui leh a ni. Bungtlang South a awm lai hian a thlen zanah leh Sabbath zingkarah Kohhran In a tlawh chhuak a. Kohhranho pawh an dam tlang e.

Dec. 3, Thawhtanniah, tuktuan ei khamah Tuidangchhuah khuaah Pu Kaiawnga te chhungkua a zu tlawh a. Hetah hian Bungtlang South atangin Pu James Vanlalliana'n a zui a. An thlen rualin Pu. Kaiawnga te chhungkuain lawm takin an lo chhawn a. An hahdam hnuah Chawhnu lamah Kohhran Chanchin lo intan dan te zawtin, tun dinhmun thlenga Kohhran awmdan te sawihona an nei a. Tlai lamah, an khaw bul lawk, Hruitezawl Khua a fang kual a. Mipui chengte dinhmun a thlithlai a ni.

Zan lamah Inkhawmna hun tha tak mai an nei thei a. Hetah hian 'PASALTHA YESHUA MESSIA' tih thupui hmangin Pathian thuchah a sawi a. Inkhawmnaah hian David Lalchhuanawma leh Kosoi te fanu Lalrinbiakdiki, 1.7.2023-a piang chu Pathian hnenah a hlan a ni. Pu Kaiawnga te khuaah hian Kohhran chhungkaw khat chauh an awm chungin Pathian malsawmna an dawng nasa em em a, lo an siam bawk a. Tun kuma an buh thar pawh tin 500 a chuang a, an fate hi ram pawn lamah inhlawhfain an awm bawk.

Dec. 4-ah Bungtlang South a let leh a. Chawhnu lamah Biak In hna thawhnaah a tel a. Zanah MPKTP Executive Meeting-ah Online-in a tel leh a. Chumi hnuah Kohhranho nen inkawmkhawmna neiin, MPKTP Organising Chairman Pastor Robert Malsawmsanga nen Inkhawmpui

thlenna tura tih hmabak awm te leh hna kalpui dan tur te sawidunin hun tha tak an hmang a ni.

Dec. 5, Thawhlejni-ah Bungtlang South atangin Khawmawi a pan leh a. Chawhnu dar 1-ah amah zuitu Tv Lalrochana, PKTP, Chawngte (P) Branch nen an thleng a ni. Khawmawi an thlen hnu rei vak loah, Kohhranho In an tlawh chhuak thei a. Zan lamah, an inngahna Elder Lalrinthanga, Local Chairman te In-ah, Local Hruaitute leh PKTP Member te kohkhawm an ni a. Pro Pastor in an hmasawna leh thanlenna hrang hrang a hmuh avanga lawm thu hrilhin, tha thlah lova tang zel turin a fuih bawk a. MPKTP General Conference Lengkhawm zai intihsiakna tur hla pawh zirpui nghalin, hun hlimawm leh hlawkthlak tak a hmanpui.

A tuk, Dec. 6 - Nilainiah,

Chawngte (P) Biak In sak mekna atana lehkha pawimawh buaipui turin Lawngtlai a pan lehngal a. Lawngtlai District Revenue Office leh Deputy Commissioner Office dawrin, tih tur awm ang ang a tihfel hnuah, Lawngtlai chhuahsanin, Chawngte a let nghal a ni. Chawngte a let lai hian Kohhranho awmna khua - Khawmawi, Diltlang leh Mualbu-ah te a chawl zel a. Tichuan, tluang takin Chawngte 6:30pm-ah a thleng a. A thlen zanah PKTP, Chawngte (P) Branch hla zir te ava tawiawm leh a. Hun hlimawm tak an hmang a ni.

Dec. 7, chawhma lamah Biak In saknaah kalin, thawhpui theih ang angte Kohhran member remchâng apiangte nen an thawhpui a. Dec. 7 leh ni 8 ah MPKTP General Conference, Bungtlang South a neih tur atana a chanvo neih hrang hrang inbuatsaih nan

hun a hmang a ni. Dec. 9, Sabbath-ah, Pathian mal-sawmna Chawngte (P) Local ten an dawng leh a. Member thar pathum neih belh lehin; heng mite hi Pathian Kohhran Pawl aṅangin kan kohhranah, Yeshua Messia hmingin a lawmlut a ni:

1. Rosy Lalramdiki d/o H. Lallianchhuana
2. Lalchhanhimi d/o H. Lallianchhuana
3. Daniel Lalremruata s/o H. Lallianchhuana

Member lawmluh tharte pualin Sabbath inkhawm banah Kohhranhoten thing-pui ruai an ṅang a. Hlim takin inkawmhona an nei thei bawk. Sabbath ralzan Pathian Biak Inkawmah Elder H. Chhanliana'n a thu sawi hun a kian a. 'RILRU THARA RAWNGBAWL' tih thupui hmangin Pathian thuchah a puang chhuak a ni.

Dec. 12, thawhlehniah Bungtlang South a pan

lehngal a, a thlen aṅangin hna ṅul awm ang ang a thawhpui a, Bungtlang South Kohhran leh MPKTP General Conference Organising Chairman Pastor Robert Malsawmsanga te hnathawh tam tak a hmuhin a lawm hle a. Tichuan, a bial chhungah Dec. 14-17, khan Bungtlang South ah General Conference an thleng ta a. Mikhual 278 an inlan thei a. Rawngbawlina tinrengah Pathian thiltihtheihna a lang a, a hlimawmin hlawkna tam tak chhar a ni.

He Inkhawmpui chhung hian Kumpulan Thuzir tur hawna leh tlangzarhnaah kaihruaituah a ṅang a, Sabbath chawhnu Thuzir Inkawmah 'THALAITHE LEH INTODELH' tih thupui sawiin, Resourse Person-ah a ṅang bawk a ni. Dec. 18-ah, mikhual tam zawk an thlah fel a, chumi hnuah tualchung Kohhrante nen hnatlang an nei ngal a. Tualchung Kohhranho an

lung a leng viau mai. Dec. 19-ah, chawhma lamah Bungtlang South Tualchhung Kohhran In tinah lawmthu sawina leh an dinhmun te ngaithlain, hun a hmang leh a. Chumi hnuah, bungraw senghawi hna tlem azawng awm chu a puibawm a, tichuan, tlai lamah a thuthmun Chawngte-ah a let fel a ni.

Dec. 20 zanah PKTP, Chawngte (P) Branch Committee Meeting-ah a telpui a. Dec 21-ah Kohhranpui hnatlangah a tel a, Biak In saknaah a thul ang ang thawh a ni. Zan lamah Kohhran member Pu Lalruatsanga te In thar luahah thalai thenkhatte nen tawngtaiin hun a hmanpui bawk. Dec. 23 Sabbath zingah Mualbu 'L' a hun hmang turin a kal a, PKTP Chawngte Circle Asst. Secy Steven Lalramtluana'n a tawiawm a ni. Inkhawmnaah 'A RAM LEH A FELNA ZAWN HMASAK' tih thupui

hmangin Pathian thuchah a sawi a. Inkhawm banah Deacon Remsangliana te Inah, General Meeting an nei nghal a ni.

Chutah chuan, thalaite pualin ro an rel deuh ber a. PKTP Branch din lohna khua a nih avangin Local hruaitute remtihpuinain, Branch a dinpui a, Hruaitute leh Adviser tur te an ruat nghal a, an bul tanna tur sum tlem an pe a, File te pawh an mamawh tur tawk an hlan nghal a. MPKTP Kumpulan Thuzir Bu te pawh January thlaa an zir nghal theih turin hma a lak pui bawk a ni. Zan riak lovin a thuthmun Chawngte lam panin ni tlak hmain an thleng leh a ni.

Dec. 24 leh 25 zanah PKTP, Chawngte (P) Branch sumtuak hnatlangah a telpui a. Ni 26 niah, Biak In saknaah hnatlang koh leh niin, Kohhran hnatlangah a telpui bawk. Circle chhunga khaw hrang hrang dinhmun

thlirin kawg hrang hrangah hma an sawn zel niin a lang a. Kohhran mipuite chungah pawh lawmthu a sawi tak meuh a ni. Dec. 27-ah, PKHP, Chawngte Circle Budget leh rorel tawhsa te thlirlet puiin, Rorel minute leh hmachhawp te bawhzui hna a thawhpui a ni.

Dec. 29, Zirtawpniah, PKTP, Mualbu 'L' Branch te chu Joint Service nei turin Chawngte an lo thleng a. Sabbath tanzan inkhawm banah inkawmhona tha tak an nei a. Sabbath ni lengin Joint Service Programme phuisui leh hlawkthlak tak an hmang a. thalaite pualin ni 30, Sabbath chu Kohhran Inkhawm buatsaih a ni a, tisa leh thlarauah hlawkna tam tak chhar a ni.

Pro Pastor B Laimang Report:

Dec 1, 2023 hma ni chiahin Rengdil atangin Tuidam-ah Pastor R

Vanlalsanga(rtd) nen an kal a, zan lamah inkawmna hun leh tawngtaina te an neih a, fuihna thu Pastor R Vanlalsanga(rtd) nen an sawi ve ve a, 1/12/23 Friday khan Pu Rokhuma an va tlawh a, tichuan Pu H Lalhmingthanga te inah chawhlui an kilho a ni. Biak in hmun lo ngaihtuah turin a chah bawka, chaw ei khamah Mamit panin an kal leh.

Dec 2 2023 (Sabbath) chu Mamitah a hmang a, Kohhrana damlo; Pu Lalawmpuia Chawhte leh Pi Rokungi te a tlawh a, tawngtainate a neisak a ni. A tuk Sunday chuan Biak in hnattlannaah tel vein Rora an chhu.

Dec 7 khan Aizawlah a kal a, inkhawmpui inbuatsaina hun leh chhungte a tlawh nghal a ni. A tuk ni 8 khan Pu Haukima Mision Vengthlang damlo kann a nei. Sabbath Aizawl local-ah a hmang. A tuk Sunday-ah

Pastor L Chhawntang vuihnaah a kal.

December 13, 2023 khan MPKTP inkhawmpuia kal turin Mamit Thalai ho nen Bungtlang 'S' panin an chhuak a, a tuk tlai dar 4 velah an thleng a. Inkhawmpui hlim takin a chhim a, khawmpui tawp zan zai-khawmnaah thusawina tawi a nei.

Dec 18 khan Bungtlang chhuahsanin Aizawl lamah Mamit Thalaite nen a haw a, Aizawlah ni khat a cham hnuin Mamit panin a haw a, Sabbath chu Mamit-ah a hmang a, Dec 24 2023 (Sunday) niah Work Camp, Phaizauah Mamit Circle-in neih a tum chu, a khaw neitu kohhran ten an zuam loh avangin thulh leh a ni ta a, hmanhmawhin Mamit Biak in hnatlan rawt nghal a ni a, tichuan Mamit Local hnatlanna a telpui leh ta a ni. Hemi hnu hian a rem chan dan a zirin Mamit tual-

chhung Kohhranho a tlawh kual thin a, thian thate pawh a tlawh a, a tul dan a zirin Elder Lalbiakthanga Pachau-in a tawihawm thin.

Pastor C. Liansanga Report:

Dt 14.11.2023 Niawhtlangah Sabbath a hmang a, hetih rualin Siata Circle Nuho in Niawhtlang Local an tlawh a. Mi 16 kalin hun hlimawm tak hman a ni. Programme tha tak hman a ni a; He hunah hian Local rawngbawltu atangin Deacon B. Pachunga'n a tawiawm hlawm bawk. Nuho lamah phurna leh intuai tharna nasa tak an neih phah bawk a ni. Zaikhawm thin niin, thlarau lam bo-ruak tha tak leh hlimawm tak neih a ni bawk. Sabbath intan zan atangin Sunday thleng hun hman a ni. Monday khan Intlawh tawn Programme zawhfel a ni.

Dt 1.12.2023 Pangkhua,

Cheural leh Sangau tlawh turin a kal a; tluang takin Sangau chu Friday tlaiah a thleng a. Kohhranhote pawh an lo dam tlang, a kal lamah Cheural pawh be lawkin Monday tlaia zan khat riaka tlawh turin a hriattir bawk. Sangau a thlen hnuin Inkhawmna neih theih loh avangin a thlen-naah Kohhranhote inkawmna hun an hmang ta zâwk a ni. Heng hun lai tak hian, Elder J. Lalsânga chu damlo Serious taka a awm thu leh thi mai thei a ni tih an hrilh ta a; A zan a zana haw turin a inbuatsaih leh ta a, mahse boruak tlem ngaihchan a nih hnuin Sangauah chuan zan a riak ta a; Sabbath inkhawmna an nei a, Sabbath niah Sermon-in “*Mibring dam chhan chu Chatuan nunna neih a ni.*” tih thupui hmangin fuihna thu a sawi bawk. Inkhawm bânah Siaha Damdawi in a awm mêk Elder J. Lalsanga chu zual lam pana a tlâk hniam zel avangin Sabbath

chaw hnu lamah loh theih lohna avangin Sangau aṭangin Siaha lamah a haw thla ta a. Programme a duan lawk pawh bawhzui thei loin a haw ta zawk a ni. Saiha chu Tluang takin a thleng thlâ a. A thlen veleh Damdawi in lam panin damlo a ngaihven nghal a chuta ṭang chuan, Khawiah mah kal thei loin Siahaah chuan a awm ta a ni.

Elder J. Lalsânga chu Siaha E.C.M Hospital Nursing Home-ah ICU-ah dah luh a ni a. Hetah hian Biak theih loh in a lo awm tawh bawk a. Hetih rualin a fapa Lalṭanpuia(Maṭana) pawh a dam ṭhat loh em avangin Nursing Home-ah tho hian dah luh ni a, Ani hi thin ṭha lo nei a ni a, Kohhranhote pawhin an ngaihven reng ṭhin a ni.

Dt 8.12.2023 -Khan Elder J. Lalsânga chuan, ṭhat lam pan thei lovin zingdar 7:00 khan thawhleha

nghakin min lo muthilhsan ta a ni. Kohhranhote theih ang ang inbuaipui In lam ah chhun dâr 12:30 Khan Beiseina nung nei chungin Pathian thuchah nen vui-liam a ni ta a ni. Elder J. Lalsânga te hi New Siaha kawm lai taka awm an nih avangin a ruamg vui nâh hian Mipui an tha hnem hle a. Khual khua aţang te pawhin chhungkhat laina leh kohhranhote pawh an lo kal bawk.

Thlanmual lamah Pastor C.Vannawla'n aţawngtaiin thlahna hun a hmang. Thalai zânah Deacon C. Duailova'n thuchah sawi velehin thu tha tak sawiin hun a hmang a. Thlan nghah nâh Kohhran Hmeichhe aiawhin Pi C. Lalramngaihzuai'n Pathian thuchah sawina hun a hmang bawk.

Dt 11.12.2023- hian Elder J. Lalsânga (L) fapa Lalţanpuia (Maţana) chu

Zing dar 6:00 khan, thawhlehma nghakin min lo muthilhsan a; Apa Elder J.Lalsânga thih aţangin a ni hnihnaah chiaa a thi veleh ta a ni. Hetia an pafa a rei lo te a thi an nih avangin mipui lainatna leh khawngaihna pawh an dawng nasa hle a. Thlamuanna thuchah sawiin Vuina hun a hmang a, Thlanmual lamah Elder R Lalliana'n hun a hmang ve thung. Thalai zanah Evan Danial Lalhmingkima'n thu sawin a tûk thlan nghah nâh Pi Ramngaihzuai bawkin hun a hmang a ni. Elder Lalsanga te pafa thihna hian Kohhran hote nasa takin min nghawng a. Kan rilru a hreawm hle a. chutihrualin Kohhranhote Lalpan min awmpuia mualpho loin kohhran dangho te fakphu khawpin kan aţangho thei bawk a ni.

Dt 15.12.2023 - khan Bungtlang South-ah MPKTP General Conference-ah Speaker tura sâwm

a nihna angin an chhungkuain Bungtlâng South lamah an kal a, Chhimtuipui District atangin Pick-up 4, Private Car 2- leh Tow wheeler nen an thawk chhuak a. Bial dang aiin thawk chhuak tha berte zinga mi an ni. Mikhual 287-thlengin Tualchung members nen inkhawm hi 350 chuang an tling thin nia hriat a ni bawk. Sermon vawi 3 a sawi a, a sermon zawh apiangin a fanu, Mimi Remtluangpui leh Lucy Ngurthankhumi ten zâiin an tawiam thin bawk a ni. Khawmpuiah hian ni 3 hun hman a nih hnuin , an haw veleh ta a ni.

Dt 23.12.2023 Siaha-ah Sabbath hmangin Member thar, mi 5 'Baptist Kohhran' atanga Pathian Kohhranah lawmluhna a nei. Chungte chu:

1. C. Malsawma, 33 years
2. Lalsiamkimi, 44 years
3. Chawngthankhuma, 11 yrs

4. Mercy Lalruatdiki, 3 yrs
5. Joshua Lalrinhlua, 1 yrs

Dt 24.12.2023-ah District hruaitute nen Chhualungah kalin Biak in sak mek hawn tur leh District Conference neihna tur leh a hun Dt 11-14 January 2024-chu ruahmanna leh inbuatsaih dân tur te enpuiin an chhuak bawk a. Biak in pawh eng emaw zât zawhfel tawh a ni a; An chhoh hian, Pulpit leh a chhuat siam pawh an pui bawk. Chhualung khua pawh an inbuatsaihna a kal chho mêk zel a ni. District Conference hi tuang taka neih zawh a ni ta bawk.

Dt 29-31 December 2023 Niawhtlang hmunah Phawngpui Revival Conference neih a ni a; Mikhual 34-thlengin hun an hmang a, Phawngpui Circle pawh tisa leh thlarauah malsawmna dawngin an phur chho hle a ni.

ADVERTISEMENT**TIRHKOH HNA DIL THEIH**

Mizoram Pathian Kohhran Hmeichhe Pawl (MPKHP) hnuaia thawk tur Tirhkoh hna dil duh chuan February 28, 2024 thleng dil theih a ni. He hna hi thla ruk chhung atan lak phawt tur a ni ang.

Lawmman : Rs 15,000/- pm + T.A/D.A

Dil duh chuan Lehkha puana ziakin MPKHP General Secretary hnenah theh luh tur a ni a, hmun hla zawk atanga dilte tan dilna chu PDF-in emaw, print chhuah tlaka fiahin Whatsaap kal tlang pawhin a thawn theih ang.

Diltu an awm chuan Interview hun chu la inhriattir leh tur a ni.

Sd/-
(H. LALTANPUII)
General Secretary
MPKHP

**MPKTP GENERAL CONFERENCE VAWI 28-NA
Report Tlangpui**

Tebet 2-5, 5784 (Dec 14-17, 2023) chhungin, Bungtlang South Biak in-ah “Rilru hmun khat ngaihtuah hmun khat” (Tirhkohte 4:32) tih thupuih hmangin MPKTP General Conference vawi 28-na chu neih a ni a. Church of God (Seventh Day) Mizoram Conference hruaitu atangin Pastor HC. Zosanga, Chairman leh Elder David L. Hmar, General Secretary, MPKHP Representative, Pi Rosie Lalrokungi, Mizoram Conference hnuaiia Pastor nilai mek 7 te leh Meghalaya atangin mi 6 ten min telpui a, anni hian kan inkhawmpui te min tiphuisui hle a ni.

Palai kal dan:-		Thalai member hi mipa 384
Aizawl Circle	- 50	leh hmeichhia 225 niin
Mamit	- 21	PKTP Member 609 kan
Champhai	- 13	awm mek a ni.
Lunglei	- 25	
Chawngte	- 78	Thlenkim zan hi palai
Siaha	- 37	lawm inkhawm leh kum-
Siata	- 47	puan pual inkhawm niin
Meghalaya	- 6	MPKTP kumpuan hawna
Assam	- 1	leh thuzir bu tlangzarhna leh
Palai zawng zawng	- 278	lawmman semna neih niin,
Tualchhung	- 85	Pastor HC. Zosanga Chair-
Total	- 363	man Mizoram Conference
		in Kumpuan thuzir bu hi a
		tlangzarh a ni. Kumpuan
		Sub-Committee te hma-
		laknain “Sakhaw Thuruk”
		lehkhabu Elder Dr. GL.

MPKTP hnuaiiah hian Circle 7 awmin Branch ding thei hi - 20 Branch ding thei lo - 26

Hnamte ziah hmangin ralchhan leh kumpuan thupui hmangin kumpuan Article inziahsia a buatsaih a, lawmman te siamin hetiang hi lawmman an lak dan a ni.

Ralchhan : Titha zual 3 hnenah ₹1000+Citation pek an ni.

- 1) B. Lalduhawma - Iana Branch
- 2) Abijah - Iana Branch
- 3) B. Lalnunthianghlimi -Iana Branch

Article inziah siak:

- 1) Malsawmkimi, Aizawl Branch - ₹ 3000+Citation
- 2) T. Chawngmingliani, Mamit Branch - ₹ 2000+Citation
- 3) R. Lallawmawma, Aizawl Branch - ₹ 1000+Citation

Consolation prizes ₹500 dawng tu te:-

1. T. Lalawmpuii - Mamit Branch
2. Chawngthantluangi - Aizawl Branch
3. Rohlupuii - West Phaileng

- Branch
4. Dorothy H. Lalbiakmuani - Champhai Branch
 5. Lalremruati - Aizawl Branch

Zirtawpniah kum 2023-2025 chung atana hruitu tur thlanna leh rorel inkhawm neih a ni. Hruaitu thlan thar te:-

President : Deacon Solomon Vanlalfaka, Aizawl

Vice President : Deacon HC Lalzawmliana, Aizawl

General Secretary : Deacon Agassi Zoramawia, Lunglei

Secretary :
 1) Tv B. Lalduhawma, Iana
 2) Tv M. Azaria, Siaha

Treasurer : Nl. C. Zomuanpuii, Aizawl

Finance Secretary : Deacon Samuel Lalrinmawia, Mamit

Sabbath inṭan zan aṭang hian Sabbath ral zan thlengin inkhawmpui thupui “*Rilru bmun khat, ngaihtuab bmun khat*” tih hmangin sermon ṭha tak tak ngaihthlak a ni a, Sabbath inṭan zan aṭangin Fakna inkhawm leh Zaikhawmna te neih ṭhin niin hetah hian Elder David L. Hmar, General Secretary, Mizoram Conference te, Pastor H. Lalfakzuala, Champhai bialtu te, Pastor Haggai Basumatary, Assam bialtu leh Pro. Pastor B. Laimang, Mamit bialtute hnen aṭangin thuchah tawi ṭha tak tak kan ngaihthla bawk a,a hlawk thlak hle a ni.

Zaikhawm a nuamin tlang hrang hrang aṭanga ṭhalai kalkhawmten theih tawp tak meuh chhuah a Pathian fak leh chawimawina hun kan hmang thei ringawt pawh kha hmasawmna lian tak niin ka hria, Zaipawl thiam tak tak Chawngte Circle Zaipawl,

Aizawl Circle Zaipawl, Siata Circle Zaipawl leh mimal zaithiam tak tak te leh Mamit aṭangin group zai an perform thei kha a ropuiin an chungah lawmthu kan sawi a, Lalpan an rawngbawl zelna turah an hma hruai zel se, tiin duhsakna kan hlan nghal a ni.

Sabbath tuk inkhawm thawhlawm hi Rs.8470 niin inkhawm zat hi mi 309 niin khawmpui apianga Sabbath tuk thawhlawm chu COG7 Mizoram Conference Charity pual a dah tura min hriattir angin charity pualah dah a ni.

Sabbath chawhnu hian “Thalaite leh Intodelh” tih hmangin Resource Person Pro.Pastor Lalramdinmawia, ECM MPKṭP hnen aṭangin thu ṭha tak tak ngaihthlak a ni.

Sunday ni chawhma lamah Quiz leh lengkhawm zai hmangin in tih siakna

neih niin hetiang hi lawman lak dan:-

Bible Quiz:

1st Prize : Aizawl Circle
2nd Prize : Siaha Circle
3rd Prize : Chawngte Circle

Lengkhawm Zai:

1st Prize : Aizawl Branch
2nd Prize : Mamit Branch
3rd Prize : Bungtlang S Branch

Bungtlang South Kohhran te, Inkhawmpui kan neih chhung zawngin zo takin min lo thleng a,

Bawng pahnih lai mai min talhsak a, in chungah lawmthu kan sawi tak meuh meuh a, chutihruah chuan Khawsak dan te, duh zawng te, ngaihtuahhate inang lo tak tak kalkhawm kan nihna laiah kan tihawm ngawih ngawih tih loh leh kan tihawm ni miah lo tih te pawh kan nei ang, chungahhte chuan in mi hriatthiamna leh ngaihdamna kan mamawh hle a ni tih min lo hriatsak ula kan duh tak meuh a ni.

**CHURCH OF GOD (SEVENTH DAY)
MIZORAM CONFERENCE**

GENERAL CONFERENCE VAWI 37-NA

**A HUN:MARCH 7-10, 2024 (ADAR-I 27-30, 5784)
A HMUN : SYNOD CONFERENCE CENTRE,
AIZAWL, MIZORAM.**

**KOHRAN MEMBER, TLANGTINA MITE A
TAM THEI ANG BER KAL TURIN KAN SAWM
A CHE U.**

**Sd/-
(ELDER DAVID L. HMAR)
GENERAL SECRETARY.**

Thalaite leh Pathian thu zir uar

—*Malsawmkimi*

Tunlai khawvel hi han en ila. A bikin thalaite hian kan nitin nunah hian eng nge kan ngaih pawimawh ber ni ang le? Chung kan ngaihpawimawh zinga pathum chu thlan chhuah tur ni ta se, ‘*Pathian thu zir*’ tih thu hi a tel ve angem? Nge ni a ni tin mai hian engtin nge sum tam zawk ka lak luh ang? Engtin nge tun aia nuamsa hian ka nun theih ang? Engtin nge thawmhnaw tha leh changkang zawk ka neih theih ang? tih te hi kan ngaihtuahnaah a khat liam zawk ni ang le? I inngaihtuah chiang theuh ang u hmiang.

“**Pathian thu zir**” han tih mai hian keini thalaite hian kan rilruah hian eng nge lo lang hmasa ber tih hi hriat a chakawm khawp mai. A tam zawk chuan thu harsa leh ull tak tak zir turah kan indah nghal mai awm e. Nih pawh a ni tak reng a. Pathian thu hi thil awlsam leh han en maia hriatthiam zung zung theih a ni hauh lova, ngaihtuahna ril tak hmang chung a khela khel chi zawk a ni ti ila kan sawi

sual awm love! Chutiang a nih avang tak chuan keini thalai; thluak tha leh harhvang tak takte hian theih tawp chhuaha min siamtu Pathian thu zir chu kan tih tur a ni dawn lawm ni?

“In Everything we do; God’s word should be where we start” tih thu hi kan hre thin awm e. Thil engpawh ti ila, Pathian thu hi kan bul tanna tura ni tih hi kan hriat a pawimawh a

ni. Chutiang ni loa kan duh duh dana kan nun kan hman liam mai chuan engkim chungang roreltu hian nakinah kan chungang ro a la rel ve anga, a thu palzam leh ngai pawimawh lotute kan nih vaih chuan hremna kan tawh dawn a ni.

Tunlai khawvel thiamna leh finna sang tawh takah hian hmasawna hi a zuanin a zuang emaw tih tur a ni a.. Technology a sang a, kan khaw hawi a zau ve zel a, keini Mizo thalaite ngei pawh mahni tawkah theuh kan buaiin kan tum ber chu heng ram changkang zawk te nun dan anga changkan leh mawi hi a ni ti ila kan sawisual angem? I inzawt leh theuh ang u aw. Kan pian kan hmel kan lan dan kan ngaihpawimawh em em lai hian, kan thlarau nun, kan chhungril nun a dam em? tih hi kan in zawh fo a va pawimawh tak em! Kan hriat miah loh lai hian

thlarau bo kan lo ni reng em? Kan pawnlam a mawi em em lai hian kan chhungril chu a tuihalin a ril a tam vawng vawng zawk em? Inngaihtuah Chiang ila, eng nge kan mamawh ber chu ni ang le? Thil dang reng a awm thei dawn em ni? Min siamtu; a bul leh a tawpna, kan 'Pathian' thu zir chungang uluk taka nun hman mai loh chu kan tana tha leh hlawk dang hi a awm dawn em ni.

Thalaite hian kan mamawh tak tak hi eng nge a nih kan hriat a pawimawh hle. Ni tin buai em em nung mawp mawp a, Pathian leh a thu lam reng reng hawi lova kan nun kan hman liam hi a pawizia kan hre phak reng em? Pathian thu kan hriata kan zir a pawimawhzia hre fiah leh zual turin he Bible chang hi han tarlang ila —

Hebrai 4:12, "Pathian thu hi a nung a, thil a tithei a,

khandaih briam tawn eng ang ai pawhin a briam a, nunna leh thlarau, ruhtuah leh thling phel hrang khawp hialin a chhun thei a, thinlunga ngaihtuah leh tumte hi a hre nghal a ni."

He Bible chang hian '*Pathian thu*' hi eng nge a nih tih a tarlang Chiang Hle. A awlsam thei ang bera kan sawi dawn chuan Pathian thu chu thil tithei tak a ni tiin han hre zui ta phawt ila. Chu mai bakah, "Thinlunga ngaihtuah leh tumte hi a hre nghal a ni," tih lai hi han ngaihtuah Chiang leh baw k ila a tha awm e. Kan Pathian hian a siam mihringte hi min hre Chiang Hle a, kan ngaihtuahna ril ber thlengin min hre vek a ni. Chutiang taka min hre Chiangtu chuan eng nge kan mamawh tih chu a hre tur a ni dawn lawm ni? Chu kan mamawh chhanna nei thei tur chuan a thu kan zir chu kan tih mak mawh a lo ni ta.

Pathian thu hian eng nge kan tih tur leh tih loh tur te, dan kan zawm tur te nen thlengin engkim min hrilh a, a pawimawh berah chuan Gospel; Yeshua Messiah chanchin tha min hrilh a ni. Chu chanchin tha mi dangte hnena hrilh chhawng a, hrilh fiah thei tur chuan Pathian thu tak hriat Chian a pawimawh a, amah Pathian tanpuina dil chung a thu te hriatfiah zel tum chu kan tih tur a ni. Kolossa 2:19-ah chuan

"Lû atang chuan taksa pum pui bung hrang hrang inzawm khawm chu a chawm a ni a, Pathian duh zâwng ang zêlin a thang lian thîn a ni." tiin a inziak a. Yeshua Messia hi **Kobhran Lû** (Head of the Church) a ni tih kan hre tawh a, ama zarah finna te, hriatthiamna te kan lo chang thin a ni tih pawh kan hre theuh awm e. Tichuan Kohhran pawh Pathian duhzawng ang zela

kalin kan lo thang lian thin a ni.

Ephesi 4:16-ah “*Amah zârah taksa pumblâm chuan inzawmna tin-rêng thawb avângang rem taka inbuktuah leh inzawm khâwmin, pêng tin thawbzia ang theuhvin hmangaih-naa insiam tha tûrin taksa chu a lo tipung thin a ni.*” tih kan hmu leh a. Kohhran Lû Yeshua vanga keini kohhran mite hi pum khata siam (unified) kan ni tih kan hre chiang thei awm e. Kohhran chuan kan inngahna ber Yeshua a nih chhung chuan Kohhran chu lungpui ang maia nghet, engtikah mah chima tlu chhe thei lo tur niin kan ngai baw awm e. A dik baw a ni! Nimahsela kohhran chhunga awm keini mihring te hi, tihchak ngai reng leh intuaithar ngai reng kan ni a, chauh chang nei thei mihring ve mai kan ni tih kan hre baw awm e. Chu tak reng chu a ni kan Lalpa Yeshua thu kan hriat chiana kan vawn tlat a paw-

mawhna chu. Tichuan kan tlûk chang pawhin tho leh tur kan awm dawn chauh a lo ni!

Thil reng reng chu a bul, a inngahna a pawimawh angin keini kohhran, a bikin *Thalait* hian kan inngahna tur chu *Yeshua Pathian Fapa* a ni tih hi hria ila. Amaha kan inngah loha a thu kan hriat loh te, kan zawm lohte hian a ni Pa Pathian laka kan hlat thin ni! Tih hi hre rengin kan *Vanram chahbi* Yeshua hi i vuan tlat ang u. Amaha inngat chung a ni tin nun tha taka hmang thei tur chuan amah Yeshua hi hriat chiana zir chiana, amah nen inzawmna tha nei thei tura theihtawp chhuaha beih hi kan tih tur a ni tih hi i hre tlat ang u.

“*Thalai an chak chuan Kohhran a chak thin*” tih thu vawi tam kan hre ta! Kohhran chak ni tur chuan keini thalai, thluak tha leh khawvel ngaih pawha la dam rei zawk tur leh nakina ram hruaitu turte hian kan pawimawhna hi

hriain intuai thar deuh deuh ila, *kawng bo bik* awm lo turin indawmkang tawn ila, Pathian thu zir hi uar leh zualin taima deuh deuh ila. A thu kan zir kawngah hriatthiamna te Pa hnenah dil chungin *Chatuan nunna* kan neih theuh theih nan; Thalaite Pathian thu zir kawngah taima tharin ke i pen chhuak ang u.

Thubriltu 11:9

“Thalaite u, in that lai chên ula,

Inla naupan viau lai hian blim rawh u,

In thinlung dubzawng chu zâwm ula,

In mitin a hmuh châk zâwng nen chuan,

Amaherawhchu, chûngah chuan Pathianin inchungah

Ro a rêl dâwn tih hre reng ang che u.”

He thuziak hi Thalai Kum Puan: Pathian thu zir

uar tih behchhana Article inziah siaka Lawmman pakhatna dawngtu, Nula Malsawmkimi, Mission Vengthlang, Aizawl Local Church-a lawi, PKTP Aizawl Branch-a Treasurer nihna chelh mek ziak a ni.

Shofar-ah hian Sermon te, Article te, Mahni khaw chanchin leh kohhran lo din tan dan te ziak duh chuan Editorial Board Member-te hnenah a thawn theih renga, a remchan dan ang zelin tihchhuah thin a ni ang.